

Key Statements for the 2026 International Chinese-speaking Conference

**Joba cabu lawng cabuu uk sawmruk paruk aka thum cabuciim he
thaihu pakhat buengca hamla ni tite athui, tetah Khrih dawngah Pathen
he Muithla rangoen Bawipa amah te mami kah hingna, mami kah
coengna oen mami kah soeprep boeih la mami khuiah arekraa ham,
tetila mami lawng Khrih te n'hingpui tih, Khrih te n'tueng sak ham ni.
Hetah mami kah hingna te aka uktem lawngim la awm ham ni**

**Noah tah Pathen dawng aka tangna thlaang pakhat la awm, Pathen oen
haih zingzawi, Pathen te ngaikheuk awmngaih sak, Pathen acoengna
boeih te amngaih la awm.**

**Lungnu oen tlaangsawm, vasahula oen haih zuloukung, Pathen kah
hingna zilh oen haih Pathen kah aka cuut u thlaang la aka cuut u Khrih
he Anti Khrih oen aralkapthli te Bawipa kah Awl dawng kalawng hingna
zilh, samsen rangoen atuk tih ngawn la awm ai.**

**Khrih dawngah Pathen he thlaang khuiah tuhtawm u tih, thlaang he
Pathen khuiah tuhtawm la awm poen tih, Pathen oen thlaang he
thoekna pakhat la awm ham thoekhaih la awm poen, tete Pathen-
thlaang tila thui la awm.**

**Outlines of the Messages
for the International Chinese-speaking Conference
February 13-15, 2026**

**GENERAL SUBJECT:
Noah, Daniel oen Joba – Pathen Kamthlahna Soepbir sak hamah
Hingna kah Lawngpui Sawah
Aka Taa Hingna te Hingpuina kah Dankoeithli**

Message One
**Dung Thawheng ham Dungtue kah Huhdoenna angla
Hingpuina oen Bisaina**

Caciim tee ham. Ezk,14:14, 20; Gen,6:8; Matt,24:37-39; Dan,2:34-35; Job,42:5-6

- I. Noah, Daniel oen Joba hue he mami lawng Pathen kamthlahna soepbir sak ham latah hingna kah lawngpui sawah aka taa hingna te metih n'hingpui thai tite aka phawng dankoeithli la awm, hetah dung aka thawheng ham dungtue kah huhdoenna angla hingpuina oen bisaina la awm – Ezk,14:14, 20; Gen,2:9; Awl,2:7; 22:1-2; Matt,24:37-39, 45-51; Cel,26:19; 2Tim,4:8.
- II. Noah, Daneil open Joba hethli kah hingnathli lawng thumkhat Pathen he Bawipa kah dungzan kamthlahna te soepbir sak ham Bawipa kah atuek, atlang thlaangthli khuiah Bawipa amah te rekraana, bisaina awm tite thui la awm. Cabuciim pum boeih he thumkhat Pathen lawng mami khuiah Bawipa amah te rekraa tih, mami tah Pathenben kamthlahna soepbir sak hamla Bawipa te huhtawngna, awmngaihna oen tuengsakna ham coengna kah aka tungpep alawngim angla thutna la awm – cf, 1Tim,1:3-4; Efe,3:2; 1Pit,4:10; Saam,36:8-9; 2Kor,13:14; Efe,3:16-19.
 - A. Noah oen haih Pa Pathen he Bawipa kah uepawmna dawngah Bawipa kah dungzan paipii (malpacung rangoen huhsakna) akhoemdoen tite n'huh, tetah Bawipa kah kamthlahna la awm tih, soeprep aka thum Khrih te Bawipa kah atuek thlaangthli khuiah doengna ciimna oen bawilenna la arekraa tih, tethli te Khrih coengna apum boeih tea nep la tueng sak la awm – Gen,3:24; 9:8-17; Ezk,1:26-28; 36:22-38; Matt,26:28; Heb,8:8-12; 1Kor,1:9, 24-30; 2:9-10; Efe,2:10; 5:26-27; Awl,4:3; 21:18-20.
 - B. Daniel oen haih Capa Khrih he Pathen tavuetna kah alungkirben oen khawhiben la awm tih, Pathen dungzan kamthlahna kawltung tah aka cuut u Khrih, Khrih oen taacathli te aka reksak lungtou la adang tih, tahe dung te boet sak ham Bawipa kah dungtue ben hawpaikoei la awm sak ham, te coengah diklai pum te Pathen kah ram la awm sak ham atah diklai pum boeih aka soepsak akalen tlaang la awm sak ham tite n'huh la awm – Dan,2:31-35; 7:13-14; 10:4-9; Joel,3:11; Awl,12:1-2, 5, 11; 19:7-21.
 - C. Joba oen haih Muithla Pathen he Bawipa kah alungnathli tengah Pathen huhna dawngah Ciim Muithlak ah athai tlaihkoepna rangoen muisam thawhengna kalawng patoeng Pathen tea meek dang sak tih, Pathen kah aka cuut tuengna, Pathen kah bawilenna ham baw koei lu paihuen ah nawh tih, hingna dawng, coengna dawng, muisam dawng Pathen la coengna rangoen Pathen thinkaw dawng aka awm thaihu te khuen hamla Pathen rangoen muisam thawheng sakna te n'huh la awm – Job,10:13; 42:5-6; Efe,3:9; Matt,5:8; 2Kor,3:16-18; Tit,3:5; 1Kor,10:31; Efe,3:20-21; Awl,21:10-11.
- III. “Tede, Noah lawng tah Jehovak ah mikhuh ah Lungvatna tea huh” Gen,6:8.

- A. Noah kah hingna oen bibina lawng Lungvatna he aka tla thlaangthli ham metih asai thai tite tueng sak la awm. Lungvatna tah mami kah thalrih aka phuikung la kawpoekrai Khrih la awm tih, mami kah awmngaihna hamla mami zueng la mami khuiah soepprep te asai la awm – athan, 1-14; Matt,24:37-39; 2Kor,12:7-9.
 1. Thisa he sungrai kah mikhuu la awm tih, Lungvatna tah Pathen kah mikhuu la awm. Mami lawng Setan kah mikhuu te hoeitlaang ham atah Pathen kah mikhuu te n'ngoe u – Gen,6:3, 8; Rom,7:17-21; Heb,4:16; 1Kor,15:10.
 2. Lungvatna kah thaitak tah doengna la awm. Lungvatna kah huham, Lungvatna kah tharaana oen Lungvatna kah hingna rangoen mami tah Pathen oen khawseh, khat oen khat teng khawseh, n'mah oen mah teng khawseh a soengna n'khueh u thai – Rom,5:17, 21; 2Pit,2:5.
- B. Noah he Pathen oen haih zingzawi tih, Pathenben kamthlahna te khuen hamla tuisamphaw te sak la awm – Gen,6:8-22; Heb,11:7; 1Pit,3:20-21; Matt,16:18.
 1. Cabuciim kah Pathen kah lamhacuek sakna tah Noah kah tuisamphaw la awm tih, tetah Pathen oen thlaang kah sakna la Khrih te huhsakna la awm. Pathen kah sakna tah Pathen-thlaang pakhat la awm – Jhn,1:14; 2:19; 1Kor,3:9, 16-17; Awl,21:2, 22; Efe,2:22; Saam,27:4.
 2. Tuisamphaw sakna hetah akacuut u Khrih la aka awm Khrih takpum thlangboel te sakna hawpai koei la aka awm Khrih kah abawinathli rangoen sakna te huhsak la awm – Matt,16:18; 1Kor,3:9-12a; Efe,3:8-10; 4:12.
 3. Tuisamphaw kah apa thumna hetah mami lawng Bawipa n'huhtawngna angla aka awm thumkhat Pathen te huhsakna la awm. Adang khit rangoen huhsak la aka awm Muithla tah Capa te mami teng avan khuen tih (1Pit,14:6; Jhn,16:8, 13-15), Capa he mami kah huhtawngna dawngah Pa tengah tare asaang la khuen la awm (14:6; Efe,2:18; 1Kor,1:5; 4:8).
 4. Tuisamphaw kah apa thumna ah vandawngthli benla bangbuerh pakhat bueng ni aka awm, tetah Pathen kah sakna la aka awm thlangboel dawngah pakhat bueng la aka awm awlkhueh thai bibina kalawng patoeng pakhat bueng awngna oen pakhat bueng la aka awm huhdoenna la awm tite huhsakna la awm – Gen,6:16; Cel,26:19; Tah,29:18a; 1Tim,1:3-4; 2Kor,3:6-9; 4:1.

IV. Daniel lawng mami he phu aka awm thlaangthli, phu awmna amah roe la awm tih, Bawipa kah a kaawn la awm ham Bawipa oen haih tuhtawm haih ham Pathen kah aphu saang tawngkiik la aka awm Khrih te awmngaih hamla atue te n'tlang u ham ni tite atuengsak – Dan,9:23; 10:11, 19; 1Pit,2:7; Exo,19:4-6.

- A. Pueh aka saang Khrih he Daniel tengah thlaang pakhat la Bawipa kah pueh aka saang phu awmna dawngah tuengkoer la awm, tetah ahih kah phu khuehna, ngaihoeihna, thapeekna, ngaiuepna oen tungepna hamla awm – Dan,10:4-9.
 1. Khrih he Bawipa kah thlaanghing cooengna dawngah khawsoih la va tueng tih, tete himbaai khawcil rangoen a huhsak tih, tetah Bawipa kah atuek thlaangthli teng tethli kah tuuk la awmna dawngah khuituukna ham la awm – athan,5a; Exo,28:31-35.
 2. Khrih he Bawipa kah Pathen cooengna dawngah Bawipa kah sengpahrang paihuen ah va tueng, tete thlaangthli sawah aka uktem hamla sui hingceen zeen rangoen huhsak la awm – Dan,10:5b.
 3. Bawipa thlaangthli kah aphu khuehna hamla Khrih he Bawipa kah aphu khuehna oen ruepawmna dawngah va tueng tih, tete Bawipa apum tah chrysolite nagla athuinuet. *Chrysolite* hamla Hebrai awllung tah hingsuuep rawng nawhatah Tamsen rawng aka awm lungtou te thuinuet tih, Khrih he apum tuengna dawngah Pathenben (Tamsen rawng), hingna oen betooetna (hingsuuep rawng) oen vandawngben (khawciil rawng) te huhsakna la awm – athan,6a.

4. Khrih he thlaangthli sawah angthuena hamla Bawipa kah angrawngha dawng khawseh watueng tih, tete Bawipa kah mikhai tah khawphaa angling tuengna rangoen huhsak tih (athan,6b), noekdakna oen awlcekna hamla angthuena sawah va phou tih, tete Amik rawi tah haithoei angla awmna rangoen huhsak la awm (athan,6c).
 5. Khrih he Bawipa kah bibi oen tatvuetna kah angna dawngah va tueng, tete akut rawi oen khawlaan rawi tah ruhum meet heet angla awmna rangoen huhsak la awm – athan,6e.
 6. Khrih he thlaangthli te awlcekna hamla Bawipa kah awlthui anauhna dawngah va tueng, tete a awlthui tah thlaangping kah awlhuum oen louna rangoen huhsak la awm – athan,6f.
- B. Daniel lawng diklai kah atuetang pum hetah vandawngthli kah Pathen rangoen vandawngthli kah uktemna kakhui ah awm, tetah Khrih soeprep dawngah acuekca huen, lamahcuek huen peek hamla awm tite thuiphawng la awm – 2:34-35, 44-45; 7:9-10; 4:34-35; Kol,1:15, 17-18; Awl,2:4-5.

V. “Te vengah Jehova lawng Joba tengah awl athuina tah” (Job,38:1a). “Joba lawng Jehova tengah awl athlatkoepna tah” (42:1a). “Tuuk la awmna kalawng Jehova lawng ahoei sak koep tih ... Joba teng thaihu boeih apeek” (athan,10a).

- A. Joba apazathli kah poekna tah the theen mingna thingkung kah lawngpui angla awm tih, Joba kah khawdeng patangna hetah Pathen kah awlcekna akawnglam tila apoek u. Tede Joba kah patang mingna tah Pathen kah boetsakna la awm tih, tetila Pathen lawng Joba te ataa tih, ahiah tah Pathen tea dang thai tare la awm – 9:15; 11:12; 13:4; Phil,3:8, 12-13.
1. Joba oen haih Pathen kah metengna tah amah kah soepana oen doengna dawngah pumsa aka saan Joba te aphe tih, Pathen kah cooengna oen moeiboethliu dawngah athai tlaihkoep la aka awm Joba te sakpe ham la awm – Job,1:1, Tit,3:5.
 2. Pathen kah mengtengna tah Joba tengah Pathen te dungthlang la tlapna khuiah akhuen tih, tetila Joba lawng a thlaanghing hingna ngoengaih la awmna tah Pathen amah roe la awm tih, Pathen te atlap vetih, Pathen te dang ham, Pathen te tuengsak ham tite zakming ciim sak ham la ni – Kol,2:19.
 3. Pathen kah mengtengna tah Joba te hingna thing kah lawngpui dawng awmsak ham oen Joba te Pathen kah thlaang la awmsak ham la ni – Gen,2:9; 1Tim,6:11; 2Tim,3:17; Efe,3:14-21.
- B. Joba cabu lawng cabuu uk sawmruk paruk aka thum cabuciim he thaihu pakhat buengca hamla ni tite athui, tetah Khrih dawngah Pathen he Muithla rangoen Bawipa amah te mami kah hingna, mami kah cooengna oen mami kah soeprep boeih la mami khuiah arekraa ham, tetila mami lawng Khrih te n’hingpui tih, Khrih te n’tueng sak ham ni. Hetah mami kah hingna te aka uktem lawngim la awm ham ni – Job,10:13; Efe,3:9; Phi,3:8-9; Efe,1:22-23; 2:15; Awl,21:2.
- C. He alawngim dawngah hingpuina oen bisaina lawngpui tah soeprep te mami kah muithla thuekdangna rangoen Muithla rangoen, Muithla oen haih, Muithla dawngah, Muithla kalawng patoeng n’dang ham oen bisai ham la ni – Gal,5:25; Rom,8:4; Phi,3:3; Awl,2:7; 22:17a.

Message Two

**Noah oen Aka Awm Haih Hingna kah Lawngpui –
Dung Aka Thawlengsak Hingna oen Bibi**

Caciim tee ham. Gen,6:5-14; Heb,11:7

- I. Noah tah Pathen dawng aka tangna thlaang pakhat la awm, Pathen oen haih zingzawi, Pathen te ngaikheuk awmngaih sak, Pathen acoengna boeih te amngaih la awm.**
 - A. Setan lawng thlaang te aboettoe la apawci sak tih, Pathen lawng Bawipa kah apoekna hamla anasuen thlaang te phe ham awl atloek la awm.
 - B. Tedawngah Pathen tah sung angla hau n'poek, *tede Noah tah* ati cadoelh lawng Pathen te thlaang oen haih Bawipa kah acuek poekna te khuen phaath hamla aka awng lawngpui akungmawng te atueng sak.
 - C. Noah kah ahingna oen bibina kalawng patoeng Pathen lawng aralpa te ataa tih, dung te athawng sak.
- II. Noah kah ahingna he dung aka thawlengsak hingna la awm – cf, Phil,1:19-21a.**
 - A. Dung aka thawlengsak hingna tah pahamthli kah Pathen awmngaihna alwngimthli te rupaang hingna la awm.
 1. Noah lawng Adam kah thlawna lawngim te rou apaang tih, Huta kah cadil la Khrih kah awlkamna oen Pathen aka ngaikhueksak doengna la aka awm Khrih kah muekdahnathli tea dang – Gen,3:15, 20-21; cf, Isa,12:2.
 2. Noah lawng Abel kah luciik nawna lawngim te rou apaang tih, tetah mami kah thawlnathli ham luciik bueng ouhla, Pathen ngaikhueksak ham laksawng Khrih te Pathen tengah nawna la awm – Gen,4:4.
 3. Noah lawng Enosh kah Jehovah mingkhuea te akhue tih Bawipa coengna apumboeih te awmngaihna lawngim te rou apaang – athan,26; Jer,33:3; Rom,10:12; 2Tim,2:22.
 4. Noah lawng Enok kah Pathen oen haih azingzawina lawngim te rou apaang tih, tetah Pathen te mami kah alungkir oen soeprep la khuen tih, soeprep te Pathen angla, Pathen oen haih bisaina la awm – Gen,5:22-24; Heb,11:5-6; 2Kor,5:4, 9, 14-16; 6:1.
 - B. Pathen lawng Noah tengah hing khaw asakna aka pawci dung kah paihuen soeng te anueh – Gen,6:3, 5, 11, 13; Matt,24:37-39; 2Tim,3:1-5.
 - C. “*Tede Noah tah* Jehovah haai ah mikhai adang (Lungvatna ahuh) la awm” – Gen,6:8.
 1. Setan lawng apaihuen te pawci sak ham acoeng thai khuila asi coeng ah, dung aka thawng sakkungthli la awm ham Pathen mikhuah ah Lungvatna aka hu thlaang khatsut awm poepa – cf, Dan,1:8; 9:23; 10:11, 19.
 2. Genesis Cabu kah aka awlpui mengtengna tah tlaakna te tung sak ham nawh tih, Pathen kah Lungvatna lawng aka tla thlaangthli hamla metih asai pethai tite tuengsakna la awm.
 - a. Lungvatna tah Pathen amah, Pathen kah mikhuah la awm tih, mami tengah soeprep la awm ham, mami dawngah, mami teng kalawng patoeng, mami hamla thaihu soeprepo sai hamla mami lawng n'awmngaih nala awm – Jhn,1:14, 16-17; Awl,22:21.
 - b. Bawipa te Lungvatna la awmngaihna hetah Bawipa aka lungna thlaangthli oen avai nala awm – Efe,6:24; Jhn,21:15-17.
 - c. Thumkhat Pathen kah aka betooet bawmcem nala Bawipa Jesu Khrih kah Lungvatna tah mami kah thlaanghing muithla te thuekdangna kalawng patoeng n'awmngaihna la awm – Heb,10:29b, Kal,6:18; Phi,423; Phile,25; 2Tim,4:22.
 - d. Pathen kah Awl he Lungvatna kah awl la awm – Cel,20:32; Kol,3:16; cf, Jer,15:16.

- e. Mami tah patoeng toeng aka poeng thumkhat Pathen te pumkhat cooengna kah akungsutna huen dawngah thlaangciimthli oen haih tuunna dawngah hingna kah Lungvatna la n'huhtawng u – Saam,133:3; 1Pit,3:7; Cel,4:33; 11:23.
- f. Mami tah khawdeng mingnathli oen patang raina tiimah mami kah pungtaina, soeprep ah aka soep Lungvatna la aka awm Bawipa te n'huhtawng u thai – 2Kor,12:9.
- g. Mami lawng Bawipa kah Lungvat tharaana dawngah Bawipa hamla thahuer ham angoe – 1Kor,15:10, 58; 3:12.
- h. Mami lawng Pathen kah aphuen phuen Lungvatna kah aka theen kaawn kuemkung la awm ham angoe – 1Pit,4:10; Efe,3:2; 2Kor,1:15; Efe,4:29.
- i. Lungvatna kah huhaam, Lungvatna kah tharaana oen Lungvatna kah hingna rangoen mami tah Pathen oen khawseh, khat oen khat teng khawseh n'soeng u thai. Lungvatna lawng doengna te athoeng sak – Heb,1:7; Rom,5:17, 21.

III. Noah kah abibi he dung te aka thawlengsak bibi la awm – 1Kor,3:9; 2Kor,6:1; Matt,16:18; 1Kor,3:12.

- A. Pathen lawng Noah tengah soeprep akathum phawngna, tawmthlep phawngna, tuisamphaw sak ham phawngna tea peek, tetah Pathen lawng aka pawci cadil te aboet sak tih aka thai dung te khuen hamla lawngim la awm.
 - 1. Tuisamphaw he Khrih kah huhsakna la awm (1Pit,3:20-21) – pakhatripben Khrih bueng nawh tih, Khrih kah pum la aka awm thlangboel aka cuut u Khrih oen Jerusalem khawthai ah aka soepbir ham thlaangthai la khawseh huhsak la awm (Matt,16:18; 1Kor,12:12; Efe,2:15-16; Kol,3:10-11; Awl,21:2).
 - 2. Tuisamphaw sakna hetah aka cuut u Khrih te sakna rangoen huhsakna la awm tih, sakna hawpai la Khrih kah abawinathli orn, Pathen oen haih bisai thlaangthli rangoen sakna la awm – 1Kor,3:9-12a; Efe,4:12; 2:22.
 - 3. He sakna hetah Khrih lawng thlaangthli khuiah bisai pena rangoen tethli te Khrih rangoen sak thil haih la awm tih, tetila tethli tah thisa dawngah Pathen kah tuengna la va coeng thai poen ai – 1Tim,3:15-16.
 - a. Mami kah bibina dawngah aka awlpui kawnglam tah sak la aka awm, aka sakung Pathen te thlaangthli khuiah bibi pena la awm, tedengah thumkhat Pathen tah Bawipa amah te tethli kah cooengna khuiah sak thai la awm poen ai – Matt,16:18; Efe,2:21-22; 3:17a; 1Kor,14:4b.
 - b. Mami lawng thaihu pakhat te atak la thuekdang ham angoe – patoeng toeng apoeng tih aka soepbir thumkhat Pathen te thlaangthli khuiah bisai pe tih, tetila Bawipa lawng tethli kah khuiben thlaang khuiah Bawipa amah te sak thai la awm ai. Bawipa lawng mami nala he lawngim dawngah bisai ham n'tuukkiik hamla thangthui angoe – 2Kor,13:14; 1Kor,3:9a, 10, 12; Rom,11:36.
- B. Thlangboel sakna oen thlangboel hingna khuiah kunna rangoen mami tah raina pui dung kalawng patoeng tihin kah dung akathe te Pathen awlcekna kalawng thlawn la n'awm u vetih, te cadil kalawng hooep u tih, aka thai dung, kum thawnggram dung khuiah huen n'dang u thai la awm poen ai – Heb,11:7; Matt,24:37-39; Luk,17:26-27.

Daniel oen Apui Apawthli oen haih Ng'huh Taakungthli kah Ataana

Teeham caciim ; ; Dan,1-6

I. Bawipa dangkoepna kah a lawng a im te “Daniel oen pui a pawthli” (Hananiah, Mishael oen Azariah) oen haih ng'huh u. Taakungthli ahimi he setan kah thailatnathli sawah a taana u dawngah Pathen oen pumboeih la pakhat la aka awm thlaangthli la awm - Dan.2:13,17. ref. Awl.17:14. Matt.22:14.

- A. Daniel oen a pazathli te sungraiben kah zooekna dawngah Nebukhadnezzar lawng Pathen tengah amah koela awm tina a mingthli kalawng ahimi te muirawthli oen pumkhat la awm sakna mingthli la a thaw pe - Dan.1:6-7.
- B. “Pathen tah kaikah awlcekkung la awm” thuingaihna Daniel kah a ming te’Bel sengpahrang capa” nawh atah Bel kah a ngaih koek” thuingaihna Belteshazzar la a thaw pe.
- C. “Jah lawng al ungvatna oen m’peek poen” nawh atah “Jah kah thikaw a taawng poen” thuingaihna Hananiah ming te”Khawmik pathen lawng angna m’peek poen” thuingaihna Shadrach la a thaw pe.
- D. “A u nuem Pathen cooengna oen aka vai u?” thuingaihna Mishael ming te a u nuem “Rai hula Shach oen aka vai u thai” thuingaihna Meshach la a thaw pe.
- E. “Jah lawngah m’bawmcem poen” ti huingaihna Azariah ming te “Senapahrang nu Nego kah uepawm tuihzoeih” thuingaihna Abednego la a thaw pe.

II. Daniel oen a pazathli lawngah raithee ben caak aawkthli te a taa u - Dan.1.

- A. Nebukhadnezzar kah raithee ben zooekna he lamha cuekah khawhla ka awm Pathen kah a tuek thlangthli khui kalawng aka law aka tuengkoer roenglii pali la ka awm Daniel oen apaza pathum hue he muirawthli hamla a nawn ciimcaih nawh caak aawk oen tuileh kap sak ham a zooekna la awm.
- B. Daniel oen apazathli lawngah te caak aawk te ca u kawinih, tetah tuileh kapna, muirawthli khuenna la awm tih, setan oen pumkhat la awm u poen ai - 1Kor.10:19-21.
- C. Daniel oen apazathli lawngah Nebukhadnezzar kah ciimcaih nawh caak aawk te a hoet tih anram bueng caak hamla a tuekna tah (Dan.1:8-16) a lawng a im dawngah ahimi lawng thee theen mingna kung a hoet tih (ref.Gen.3:1-6), Pathen oen pumkhat la ka awm sak hingna kung te a khuenna la awm (ref.2:9,116-17).
- D. Bawipa kah dangkoepna tah thlangboel sakna hamla Jesu caak aawkna te a dangkoepna laa wm - athaan.9,16-17; Awl.2:7.17.3:20.
- E. Mami lawngah aAwl te caak aawkna rangoen khawseh, aciim thinkaw khui kalawng Amah aka khuethli te a nepla tuhkaai tih ahimi oen haih awmna rangoen khawseh Jeus te n’caak aawk u thai - Jer.15:16. 2Tim.2:22. 1Kor.15:33. Tah.13:20.

III. Daniel oen apzathli lawngah thlanghing cilrui dawngkah Pathen ben cilrui la a bou thlang muirawl oen a bawh lungnu te huhna kalawng thlangthli aka kanghalh ope raithee ben mikpumna te a taa u - Dan.2.

- A. Lungnu oen tlaangsawm, vasa hula oen zulou kung, Pathen kah hingna zilh oen Pathen kah aka cuut u thlaang- aka cuut u Khrih lawngah antiKhrih oen a ralkapthli te Amah kah hui kalawng hingna zilh, samsen oen a ngawn poen ai - athaan.34-35. 44-45. 2Thes.2:8. Awl.19:11-21. Gen.11:4-9. ref. Isai.33:22.
- B. Pathen sakna kah aka hing, phutlou lungtou, lungdang, ak il lungtou, a haankoek lungtou la aka awm Khrih lawng phutlou thlangla Amah te mami khuiah avan sang tih, sakna hamla aka hing phutlou lungtouthli la mui n’thawheng sak - 1Pit.2:4-8. Isai,28:16. Zak.3:9. 4:7, 9-10.

IV. Daniel oen apazathli lawngah muirawl bawkna kah zooekna te a taa u - Dan.3. ref. Matt.4:9-10.

- A. Cunthlaila ka awm muithla dawngkah aka soeng Pathen la ka awmnawhthli boeih tah Pathen zueng aka theng muirawlthli la awm. Muithla dawng aka awmnawh nawh atah muithla bent haihuthli nawh boeih tah muirawl poen ni -1Jhn.5:21.
- B. Takpum kah ral tah mah kah kawhuemna, mah oen mah thangpawmna, mah ruepawmna, mah thlaangtheenna oen mah tha awmnathli oen Pathen kah zueng aka theng kamahngaai he ni. Takpum dawngah, takpum hamla kmah te hoet tih, kamah te phawng ouhla, Jesu Khrih te Bawi la m'phawng u - Matt.16:24. 2Kor.4:5..
- C. Daniel kah apazathli dawngah a soeng saiceh muithla te awm. Ahimi lawng a rawl awmnawh Pathen la Bawipa hamla pai u tih, a hingna peek ruila, Nebukhadnezzar lawngah hairaawng khuila voeih ham awl a peek toela muirawl bawkna te a oelh u - Dan.3:19-23.
- D. Nebukhadnezzar lawngah hairaawng khuila a bueh vengah, h ai khuiah aka zingzawi thlaang pali te a huh (athaana.24-25). A palina thlaang tetah thlanghing Capa la aka tuengkoer Khrih tih, patang khang tih theekhana thlaang pathum hue oen haih awm hamla valaw tih, hai te ceh hamla aka theen huen la a cooeng sak.
- E. Aka taa thlaang pathum hue lawngah Pathen tengah hairaawng khiu kalawng thlawna hamla bih ngoe nawh (ref. athaan.17). Thlaang Capa Khrih - soeprep dawngah Pathen kah thlangthli oen hai reenna khaw a poek tih saithaina ka khueh kung (Heb.4:15-16) - lawngah ahimi paza la valaw tih Amah mikhaiah patang khangna huen te ngaih hamkoei paihuen la a cooeng sak tih ahimi kah patang khangna te a khuituuk pe.

V. Daniel oen apazathli lawngah thlangthli te vaanthli kah Pathen rangoen vaanthli kah ukna te a huhna kalawng aka kanghalh thlipdahna te a taa u - Dan.4.

- A. Khrih kah pakhatna a awmna hamla a thlangthli la awm ham Pathen kah tuek thlangthli mami lawng Khrih te lamha cuek huen peek ham mengtengna hamla Pathen kah vanben uktemna huiah ng'awm u - athaan.18, 23-26. 30-32. Rom.8:28-29. Kol.1:18b. 2Kor.10:13-18. Jer.9:23-24.
- B. "Bawipa lawngah aka oek uthli te a dungvoeng sak thai" - Dan.4:37b.

VI. Daniel oen apazathli lawngah Pathen haaiah ruihah caak aawk tih Bawipa kah ciimna te theekhana kah a thaitak te zakmingna nawh sawah a taa u - aboel.5.

- A. Belshazzar lawngah Jerusalem dawngkah a ciim tempul dawngah Pathen koeh bawkna boengloengthli te a lawh tih, muirawl bawkna hamla a hawna coengah, Pathen kah ciimna te a theekha na (athaana.4). Ahih lawngah Nebukhadnezzar dawng kalawng a cang hamla awm (4:18-37), tede a cang muehla a thaitak tah raina a taawng (5:18, 20, 24-31).
- B. "Akap oengvoelh muithla, cuihna, thoemna benah aka cawh koek oen mangthli aka thuicaih thai, awlru awlpungna aka dip sak thai, awldoetnathli(dairekla- ruitumthli) thlam thaina thoemthainathli tah he Daniel dawngah tueng-athaana.12a.
- C. "Nang Belshazzar, heangthli boeih he na ming poen de, dawm na ngaai u nawh. Vaanthli kah Bawipa te na raalna tih, tempul kah boengloengthli na lawh coengah, namah oen na thlanglenthli, na zuthli, na zulaathli oen te dawngah misurtui na ren u the. Mikpum oen hapang tih tukhaw aka ming nawh sui pathen, ngun pathen, ruhum pathen, thii pathen, thing pathen, lungtou pathenthli te na koeh u tih, hingna Bawila ka awm a bibina boeih ka uktem kung Pathen te lat nak oeh unawh mai! - athaan.22-23. ref. athaan.20.

VII. Daniel oen apazathli lawngah Pathen a koehbawkna dawngah taakungthli kah uepawmna aka kanghalh awlhuepthli sawah a taa u - aboel.6.

- A. Daniel 6 kah awlpui laklung tah Pathen kamthlahna hamla thlaangkah thangthuina heni. Daniel he thlaang lawng a sai thianawh thaihu sai ham oen thlaang lawng a zakming thianawh te zaakmingna hamla thangthuina dawngah hangdang. Pathen kamthlahna

soepbirna ham, coengtluepna hamla khuenna taaaaaah thangthuina muchla atloe lawngim awm nawh. Hetah he aboel kah khuiben awlhuep la awm.

- B. Daniel he Jerusalem benla babgbuerh a awng tih hin at ah vaithum thangthui. Ahih kah lungvat thangthuina rangoen Pathen lawng Israel thlangthli te ana pahamthli kah ramla koep a khuen (athan.10. ref. 1Seng.19:12,18). Pathen lawngah mami kah thangthuina he dungzaan kamthlahna dawngkah kawltungla Khrih tengah (A ciim laitheen huhsakna) Pathen kah ram benla (Khawpui ciim huhsakna) oen Pathen kah Im benla (A ciim tempul huhsakna) a awm vengah mami kah thangthuina te avan roeirii poen ai - 8:48-49.

Message Four

Joba oen Thingkung Pahih

Caciim teeham. Gen,2:9, 17; Awl,22:1-2, 14; Job,1:1; 2:3; 42:1-6

I. Pathenben awngna dawngah thingkung pahih, akungpui pahih, lawngpui pahih, lawngim pahih oen soepbirna pahih te awm.

A. Thingkung pahih.

1. Hingna thingkung lawng thlaang he Bawipa oen haih tuhphana dawngah thlaang tengah hingna la aka awm thumkhat Pathen te huhsakna la awm – Gen,2:9; Saam,36:9a.
2. The theen mingna thingkung he Pathen kah haiah thlaang kah atlaakna dawngah thlaang tengah duekna la aka awm Setan, sungrai, raithe te huhsakna la awm – Gen,2:17.

B. Akungpui pahih.

1. Hingna thing tah Pathen te aka tlap thlaangthli kah bawmcemna oen awmngaihna hamla hingna akungpui la awm – Jhn,1:4; 15:1.
2. The theen mingna thingkung tah Setan hu akabang thlaangthli kah amah oen mah dueknaben la aka phasak sue oen dungzan pawcinaben la phasakna kah akungpui la awm – 8:44.
3. Hekah akungpui pahih kalawng aka thoeng tah ram pahih la awm – Pathen ram oen Setan kah ram la awm – Matt,21:43; 12:26; Kol,1:13.

C. Lawngpui pahih.

1. Lahmana lawngpui tah hingna kah lawngpui, akaceek lawngpui la awm tih, thlaangthli lawng Pathen te tlap ham, Pathen te a meek dang ham, bawmcem nala Bawipa kah dungzan hingna dawngah Pathen te awmngaih sak hamla awm – Matt,7:14; Cel,9:2; 16:17; 18:25-26; 2Pit,2:15, 21.
2. Apabena lawngpui tah duekna oen the theen kah lawngpui, aka kau lawngpui la awm tih, thlaangthli te Setan cathli la coeng ham ahu bang sakna la awm – Matt,7:13; 1Jhn,3:10.

D. Lawngim pahih.

1. Lahma kah lawngim tah hingna kah lawngim – Pathen saw aka hangdang lawngim la awm – Jhn,15:5; Gen,4:4.
2. Apabena kah lawngim tah duekna oen the theen kah lawngim – Pathen teng aka hangdang nawh lawngim la awm – Jer,17:5-6; Gen,4:3.

E. Soepbirna pahih tah thlaangthli lawng Pathen oen atuhphana dawngah akhuen u lawngpui pahih kalawng aka thoeng thaitak la awm.

1. Pathen kah hingna lawngpui asoepbir natah hingna tui kah khawpui Jerusalem khawthai la awm – Awl,21:2; 10-11; 22:1-2.
2. Duekna oen the theen kah lawngpui soepbirna tah hell tuiliu la awm – 19:20; 20:10, 14-15; 21:8.

II. Pathen kah menteng natah Joba te the theen mingna thingkung kah lawngpui dawng awm sak ham nawh tih, hingna kah lawngpui dawng awm sak ham la ni.

- A. Joba oen apazathli kah poekna tah the theen mingna thingkung kah lawngpui angla awm – Joba,2:11-32:1.
- B. Joba he apazathli van angla soeng oen soeng nawh te mingciimna dawngah toeng sut tih, Pathen kamthlahna te mingciimna awm nawh – 4:7-8.
- C. Joba oen apazathli he the theen mingna thingkung kah huenmawl ah awm u. Pathen lawng tethli te te huen kalawng thlawn tih, hingna kah huenmawl kungkur khuiah khueh ham tha huer – 1:1; 2:3; 19:10.

- D. Joba te hoeitlangna dawngah Pathen kah apoekna tah ahih te the theen lawngpui kalawng hingna lawngpui benla mel sak ham, teti rangoen Pathen te betooetkoek alantang toe ameeek dangsak ham angaih – 42:1-6.

III. Mami tah hingna thingkung kah huhdoenna – Khrih dawngah Pathen tah mami kah caak-aawkna kah huhdoenna te angoe – Gen,2:9; Awl,22:1-2, 14.

- A. Hingna thingkung tah Khrih dawngah thumkhat Pathen lawng Bawipa amah te atuek thlaangthli khuiah caak-aawk kah pungcan dawngah hingna la arekraa ham tite huhsakna la awm – Gen,2:9.
- B. Hingna thingkung the khawhi hui kah alungkir la awm.
1. Pathen kah apoekna angla diklai he khawhihui kah alungkir la awm tih, Eden dum he diklai kah alungkir la awm coengah, hingna thingkung he Eden dum kah alungkir la awm. Te dawngah khawhihui he hingna sawah akung sut la awm.
 2. Pathen oen thlaang pahih bawk hamla hingna lakah laklungkir ngai, awlpui ngai atloe tukhaw awm tlaih nawh – 3:22; Awl,22:14.
- C. Awlkhueh thai lawng Khrih he hingna kah huhsakna asoepbir nala awm tite atueng sak – Jhn,1:4; 15:5.
- D. Johan awlthangtheen cabu dawng phawng la aka awm soeprep aka thum Khrih kah muisamthli boeih he hingna thing kalawng aka thoeng thaitak la awm – 6:48; 8:12; 10:11; 11:25; 14:6.
- E. Hingna thingkung te awmngaihna tah Pathen kah atlang thlaangthli boeih kah dungzan taham la awm poen ai – Awl,22:1-2, 14.
1. Hingna thingkung he acuek kalawng thlaang hamla Pathen lawng mengteng thaihu te dungzan tue khui puer asoep sak – Gen,1:26; 2:9.
 2. Hingna thingkung kah athaihthli he dungzan tue ah Pathen kah atlang thlaangthli hamla caak-koei la awm ai. He kah athaihthlu he boetouh la caihpan tih, thla rooek athaih thaihna awm poen ai – Awl,22:2.

IV. Mami cuunthai la n'awm vengah Khrih he amah oen mah te mami khuiah hingna thingkung la tuh la awm poen – Jhn,1:12:13; 3:3, 5-6, 15; 11:25; 15:1, 5.

- A. Mami kah atak hing khawsakna dawngah mami tah hingna thingkung kah lawngpui dawngah n'awm nawh tih, the theen mingna kah lawngpui dawngah nawm u thai mai – Tah,16:25; 21:2.
- B. Joba he moeiboeben huenmawl kah khat khat te ana tlap, tede Khrih dawngah oengcathli la aka awm mami he Pathen kah huenmawl ah aka awm khat khat te n'tlap u ham ni – 1Kor,15:28; Efe,3;16-21.
- C. Mami kah hinrooek hing khawsakna dawngah mami tah the theen mingna thingkung kah huenmawl ah n'awm ham nawh tih, hingna akape Muithlak ah huenmawl ah n'awm u ham ni – 1Kor,15:45b, Rom,8:2.
- D. Pathen kah mengteng natah mami tea dang la thlaak tih, mami kah hingna oen coengna la Bawipa amah rangoen sakthil koep ham, teti rangoen mami tah Bawipa oen apum boeih la pumkhat coengna thlaangthli la awm sak ham ni – 2Kor,1:9; 4:14.

Message Five

**Joba oen Haih Pathen kah Mengtengna –
Thlaangdoeng te Pathen-Thlaang la Cooengham**

Caciim tee ham; ; Job,1:1, 8; 2:3, 9; 27:5; 31:6; 42:5-6

- I. Sawmruk ukruk aka thum cabuciim he thaihu pakhat bueng hamla ni – tetah Khrih dawngah Pathen he Muithla rangoen Bawipa amah te mami kah hingna, mami kah cooengna oen mami kah soeprep la mami khuiah rekraa ham, tetila mami tah Khrih te n'hingpui tih, Khrih te n'tueng sak ham la awm – Efe,3:16-17a; Phi,1:21a.**
- A. Hetah mami kah hingna te aka uktem alawngim la awm ham ni – Jhn,6:57.
B. Atak lawngim dawngah hetah mami kah awmngaihna hamla tihin kah hingna thingkung la a awm ham ni – Awl,22:14.
- II. Joba he thlaangcoeng pakhat la awm tih, amah kah soepna, doengna oen cakna dawngah mah oen amah te tuengsakna la awm – Job,27:5; 31:6; 32:1.**
- A. Soepna he khuiben thlaang oen tuhpha tih, doengna hetah dauben thlaang oen tuhpha la awm – 1:1.
B. Joba he uepawm thlaang la awm. Uemawmna he soepna oen doengna kah cingcuina la awm – 2:3, 9; 27:5; 31:6.
1. Joba oen tuhka tih uepawmna he acooengna boeih kah aka cingcui tuengna la awm.
2. Moeiboe dawngah Joba he soep tih doeng, a moeiboe dawngah ahih he uepawmna kah aka saang lantang akhueh.
C. Joba he aka theen noeknaben ah Pathen te rih hinzah tih, aka the noeknaben ah thaihu theen nawhthli kalawng aka reel thlaang la awm.
1. Pathen lawng thlaang tengah Bawipa te rih zinzah tih, meang thawlhna te sai nawh hamla asuenna moe nih. Te zuengla Pathen lawng thlaang te Bawipa kah muisam dawngah, Bawipa oen phek avaina angla asuen tih, tetah thlaang lawng Pathen te tueng sak ham la ni – Gen,1:26.
2. Pathen te tuengsakna hetah Pathen te rih hinzahna oen thaihu theen nawh kalawng reelna lakah sang tare ngai.
3. Joba he amah kah soepna, doengna oen uepawmna dawngah adang thaihu tah ahawngghi la ni awm. Telawng Pathen kah apoekna te soep sak thai nawh bueng much la, Bawipa kawngaih te ngaikhuek sak thai nawh, te dawngah Bawipa lawng Joba hamla lungna oen apoekkhuep – Job,1:6-8; 2:1-3.
D. Joba dawngah ngoengaihna awm tite Pathen bueng lawng ni aming – ahih khuiah Pathen a awm moe nih. Te dawngah Pathen lawng Joba tengah Bawipa kah apoekna soepbir sak hamla Bawipa te tuengsak ham atah Bawipa tea meek dangsak angaih – 42:5-6.
- III. Pathen kah mengtengna tah Joba he Pathen-thlaang la cooeng ham, Bawipa kah moeiboethli dawngah Pathen te tueng sak ham la ni – 22:24-25; 38:1-3.**
- A. Pathen lawng Joba te atloe huenmawl, Pathen kah huenmawl khuiah akhuen, tetila Joba tah amah kah soepna, doengna oen uepawmna dawngah athoem thainathli zuengah Pathen te amee dang thai hamla awm – 42:5-6.
B. Joba oen haih Pathen kah metengna tah Joba te boetsak la awm tih, soepna oen doengna dawngah moeiboe phung kah asangkoek alantang dawng asaithoemnatthli, ataa thainathli kalawng khawngbang hamla ni – 31:6.

- C. Pathen kah metengna tah Joba kah soepna oen doengna dawngah pumsaben Joba te phe tih, Bawipa lawng Pathen kah cooengna oen moeiboethli dawngah athai tlaihkoop la aka awm Joba te sak thai ham la ni – 1:6-8; 2:3-6.
- D. Pathen kah metengna tah Joba te Pathen kah thlaang la cooeng sak ham, Khrih dawngah Pathen kah tuengna hamla Pathen kah akasoep betooetna la awmsak ham Pathen kah pumtuengna la aka awm Khrih oen betooet sak ham la ni – 1Tim,6:11; 2Tim,3:17.
- E. Pathen kah khawngbangna oen boetsakna he Joba te phebang hamla ahawna, tetila Pathen lawng ahih te Pathen amah rangoen sakkoop hamla akungtawng oen lawngim adang thai ai, te dengah Joba tah Pathen-thlaang la cooengthai ai, Pathen te tuengsak hamla bawkkoei ah nawh tih, Bawipa kah hingna oen acooengna dawngah Pathen angla phek vaithai poen ai – Efe,3:16-21.

IV. Khrih dawngah Pathen he thlaang khuiah tuhtawm u tih, thlaang he Pathen khuiah tuhtawm la awm poen tih, Pathen oen thlaang he thooekna pakhat la awm ham thooekhaih la awm poen, tete Pathen-thlaang tila thui la awm – Matt,1:21, 23; Luk,1:35; Tit,2:13; 1Tim,2:5.

- A. Akumngai Pathen-thlaangthli, Pathen kah cathli akumngai he lamha cuek Pathen-thlaang Khrih kah pungtaina, thawntkoopna, muilawh pungtaina oen tawmthlepna la awm – Jhn,12:24; Heb,2:10; Rom,8:29.
- B. Pathen-thlaang pakhat he Pathen kah hingna oen cooengna te aka thuumhaih thlaang la awm tih, tetila Bawipa kah hingna oen cooengna dawngah Pathen oen pakhat la awm hang tih, Bawipa aka tuengsak kungla awm – Jhn,3:15; 2Pit,1:4; 1Kor,6:17.
- C. Pathen-thlaang pakhat he Pathen kah ca la cooeng ham Pathen kah cuun la awm tih, Pathen kah hingna oen cooengna akhueh – Jhn,1:12-13; 3:6.
 - 1. Pathen-thlaang pakhat he thlaanghingben oen Pathenben ati hingna pahih, thlaanghing cooengna oen Pathen cooengna ati cooengna pahih awm.
 - 2. Pathen-thlaang pakhat he hingna-thlaang pakhat la awm – 1Jhn,5:11-13; Rom,8:2, 6, 10-11.
 - 3. Pathen-thlaang pakhat he sui-thlaang pakhat la awm – Exo,15:11, 1Pit,1:7; Awl,3:18; 21:18b.
- D. Pathen-thlaang pakhat he Pathen oen tuhtawm haih tih, ahih kah hingna, hing bawmcemna oen soeprep la pathen te dang la awm. Te dawngah Pathen-thlaang he thlaang de Pathen, Pathen de thlaang la khaw awm – Efe,3:16-17a.
- E. Pathen-thlaang pakhat he suenthaina oen Khrih dawngah Pathen kah doengna la awm – 2Kor,5:17, 21.
- F. Pathen-thlaang pakhat he acooengna apum boeih oen Bawipa alungna, tetah ahih kah thinkaw, lungbui, mingna oen thaawmna kalawng alungna la awm – Mark,12:30.
- G. Pathen-thlaang pakhat he thisa dawngah ueppang nawh tih, kai tina te ahooet, Khrih te hingpui ham muithla thuekdangna awm – Phi,3:3; Matt,16:24; 1Tim,4:7; Phi,1:21a.
- H. Pathen-thlaang pakhat he Pathen awl oen aka awm haih Pathen thlaang pakhat la awm tih, Pathen kah hingna zilh te aka huem thlaang la awm – 1Tim,6:11; 2Tim,3:16-17.
- I. Pathen-thlaang pakhat he amah bueng zalpaw la awm nawh tih, aka cuut u Pathen-thlaang. Thlaangthai pakhat la aka awm Khrih takpum kah avangthal la awm tite azak mingciim – 1Kor,12:12-13; Efe,4:16; Kol,3:10-11.